


Ájnas diedo dunji gut jienastit galga

Stuorradigge- ja sámediggeválgan 2009



Válggabiejvve I ragátmáno 14. biejve.
Mujte viertti duodastusáv buktet gå jienasta.



Stuorradigge- ja sámediggeválgga 2009

Stuorradigge | Vuona álmukválljidum rijka ávdástiddje. 69 ájrrasa välljiduvvi juohkka nælját jage. Sij galggi ávdástit álmugav gájkka mijá 19 fylkajn. Stuorradikke ájnnasamos barggo | lágajt mierredit, stáhta budsjehtav mierredit ja ráddidusáv dárkestit.

Sámedigge | iesjrádálásj álmukválljidum orgádna ja le sámeálmuga ávdástiddjen. 39 ájrrasa välljiduvvi juohkka nælját jage. Sij galggi ávdástit sámijt álles Vuonan. Sámedigge ietjas budsjehtav juohká rámmaj milta majt guovdásj oajválttja li biedjam. Moatten suorgen li Sámedikken mierredimfábmo.

Sebra mierredittjat gudi galggi duv ávdástit Sámedikken boahhte nielje jahkáj.
Ane jienat!

Dán tjállusin oattjo diehtet gáktu galga dahkat.

Válggabiejvve | mánnodahka ragátmáno 14. bieje.

Moatten suohkanin le aj válggabiejvve sádnábiejvve 13. bieje.


Mujte duodastusáv gá jienasta! Válggaláhka gájbbet jienastiddje gev jiednavuosstáj-vállde ij dábdá galggá ietjas duodastit. Duodastussan máhtá duola dagu liehket pássa, vuodjemkárttá jali bánŋkakárttá gáváj, valla máhtá aj ietjá duodastusáv adnet. Gájbbádussan duodastussaj le, danna | jienastiddje namma, riegádimbiejvve ja gávva.

Jus dán le institusjávnan dagu vuorrasijsjidan, skihppijvieson jali giddagisán, máhtá áttjudit barggev gut dan institusjávnan barggá duv identitehtav duodastittjat.

Gájka jienastiddje válggakártajt oadtju. Válggakártán le diehto gáktu ja goassa máhtá válggabiejvve jienastit. Dán i dárbaaha válggakártáv jienastittjat, valla dat duv ájgev sæsstá. Válggakárttá ij la duodastussan.

Jienastiddje gænna li jienastimriektá stuorradigge- ja sámediggeválgajn oadtju guokta válggakárttá.

Stuorradiggeválgga



► Gudi máhtti jienastit?

Stuorradiggeválgajn li jienastimriektá dássju Vuona stáhtaviesádijn gudi li állim 18 jage. Dågálasj le jus 18 jage válggajage álli. Jienastiddje viertti liehket, jali læhkám la, tjáledum Vuona viesádin.

► Goassa ja gánná máhtá jienastit?

Válggabieje

viertti ietjat sijddasuohkanin jienastit. Dat la dat suohkan gánná lidji álmuklågon viesádin tjáledum biehtsemáno 30. bieje 2009. Dån máhtá jienastit vájku makkir válggahuodnahin suohkanin. Gehtja gávástagájt boahhte bielen gáktu válggabieje jienasta.

Ávddálijienastit

máhtá dahkat gitta bierjjedagá ragátmáno 11. bieje rádjáj vájku makkir suohkanin. Dån ávddálijienasta unnán ietjá láhkáj gá válggabieje jienasta.

Náv ávddálijienasta:


- 1) Maná válggabargge lusi gut dunji jienastimisstakonvoluhtav vaddá ja vuoset dunji gánná galga jienastit.
- 2) Gávna jienastimlistav mav sidá adnet ja rievddada jus sidá.
- 3) Jus jienasta ietjat fylka ålggolin, oattjo sierra jienastimlistav aktan jienastimisstakonvoluhtajn. Jienastimisstaj li tjáledum registreridum politihkalasj belludagáj namájt, oajvvadusáj namáj dagi. Viertti de ruossav biedjat jali tjállet belludagáj/ juohkusa namáv mav sidá jienastit. Máhtá aj iesj áttjudit jienastimlistav ietjat fylkas ja dav adnet jus sidá rievddadit.
- 4) Bieja jienastimlistav jienastimisstakonvoluhttaj.
- 5) Maná válggabargge lusi gut jienastimisstakonvoluhtav ja duv válggakártáv skálmákonvoluhttaj biedjá, mij de válggagárráj biejaduvvá. Jiedna sáddiduvvá duv sijddasuohkanij lægåduvátjit.

Jus le skibás jali doajmmahieredibme, máhtá suohkanis loabev áhtsát sijdan jienastittjat. Suohkan diedet goassa ja gánná máhtá jienastit.


► Gáktu válggabiejeve jienasta?




1 Válde dav jienastimlistav mav sidá adnet.



2 Rievddada jienastimlistav jus sidá (gehtja bagádusájt boahhte bielen).



3 Máhtsa jienastimlistav belludaknamájn sisbælláj ja sajijn stiemmpelij álgusjbælláj – de ij aktak besa vuojnnet mav jienasta. Konvoluthta jali skálmhá ij galga jienastimlista birra aneduvvat.



4 Maná válggabargge lusi ja áttjuda stiemmpilav jienastimlista álgusjbælláj. Jienastimissta viertti stiemmpilduvvat dáhkkitittjat!




5 Bieja stiemmpildum jienastimlistav válggagárráj.

► Gáktu jienastimlistav rievddada?

Dån iesj mierreda jus sidá jienastimlistav rievddadit! Jus i rievddada, de jienasta oajvvadásájt maññálakkoj nav gáktu jienastimlistan li tjáledum.

Náv máhtá jienastimlistav rievddadit:



Målssot oajvvadásáj sajev

Bieja (áđá) nummarav ruktuj oajvvadásá(j) namá(j) **gárobelláj** mierkkitjit gáktu sidá oajvvadásáj saje galggi liehket.



Oajvvadásáj sihkot

Bieja merkav (ruossav, mihtáv j.n.v.) ruktuj oajvvadásá(j) namá(j) **oalgesbelláj** guhtimuttjav/guhtimuttjajt sidá sihkot.

Ale rievddadimes balá. Gáktu dahkat le tjáledum jienastimlistan. Duv jiedna ij bálkestuvá juska boasstot dagá!

► Gudi válljiduvvi?

Ájrrasa Stuorradiggáj fylkas juogeduvvi belludagáj ja juohkusij gaskan dan lågo milta man edna jienajt oadtju.

Jus ienep gá lahkke sijás gudi avtav belludagáv jali juohkusav fylkan jienasti rievddadi sæmmi oajvvadásá gáktuj, máhtti rievddadime vájkkudit guhtimuttja ájrrasin válljiduvvi. Ietján ájrrasa válljiduvvi maññálakkoj nav gáktu jienastimlistan li.

Dån gávna ienep diedojt dáanna: www.valg.no

Vuorbbe válgaj!


Sámediggeválgga

Gájkajn gænna li riektá suohkanstivrraválgan jienastit ja gudi li tjáledum Sámedikke válggajienastusláhkuj, le jienastimriektá sámediggeválgan. Ájggemierre ietjas Sámedikke válggajienastusláhkuj tjáledittjat le biehtsemáno 30. bieje. Jus dujna l jienastimriektá stuorradigge- ja aj sámediggeválgan, máhtta goappátijn válgajn jienastit.

Jus dán le tjáledum viesádin suohkanin gánná l binnep gá 30 gænna lidjin jienastimriektá ávdep sámediggeválgan, i máhte válggabiejve jienastit. De máhtá jienastimriektáv adnet ávddáljienastimen. Sámedikke internæhttabielijn gávna guhtimusj suohkanij dát guosská.

Máhttelis le jienastimlistav rievddadit jus málso oajvvadusáj sajev. Ij la máhttelis oajvvadusájt sihkkot.

Sámedigge sáddi diedojt sámediggeválgga birra gájkajda gudi li Sámedikke válggajienastuslågón tjáledum.



Dán gávna ienep diedojt dánna: www.valg.no jali www.samediggi.no
Vuorbbe válgaj!



Almodum Suohkan- ja guovllodepartementas bárggemánon 2009
Almodus le járggálum gávtse giellaj, ja gávnnu dáanna: www.valg.no

Almodusnummar: H-2229 Lulesamisk